

June 2025

# The Berean



## CHRISTADELPHIAN

Vol 006

**Mwili wa Kristo barani Afrika na ulimwenguni unapaswa kuwa  
mwili unaolenga kuelimisha na kutia moyo kwa kupitia katika  
maandiko.**



"... walilipokea neno kwa moyo ulio tayari kabisa, na  
kuyachunguza maandiko kila siku, kama mambo hayo yalikuwa  
kweli."

KRISTO ANAKUJA HIVI KARIBUNI NA ATATAWALA DUNIANI

# Nini Tofauti Kati ya Wakristo na Wakristadelfia wa Berean?

Kimukung'i Ecclesia,  
Kenya

## Ndugu. Epa Wekati

Neno "**Mkristo**" lilitumika kwa mara ya kwanza huko Antiokia, katika Asia Ndogo. Lilikuwa neno la dhara. Wanafunzi hawakujiita Wakristo. Wale waliowadharau wanafunzi na ambao hawakumpenda Kristo ndio waliwaita hivyo. Waliwaangalia wanafunzi kwa dhara kwa sababu ya kuamini katika Kristo.

Tunasoma: "*Wanafunzi waliitwa Wakristo kwa mara ya kwanza huko Antiokia*" (**Matendo 11:26**).

Kristo ni neno la Kiyunani/kigiriki lenye maana ya Mungu Anaokoa au Mwokozi. Mkristo anastahili kuwa mfuasi wa Kristo. Kristadelfiani pia ni aina ya neno la Kigiriki lenye maneno mawili yanayoleta wazo la Ndugu katika Kristo. Yesu alizingatia wanafunzi wake kama ndugu zake. Tazama alichomwambia Maria baada ya ufufuo wake:

*"Usinishike, kwa maana sijaenda bado juu kwa Baba. Lakini nenda kwa **ndugu** zangu ukawaambie: Mimi ninakwenda juu kwa Baba yangu na Baba yenu, kwa Mungu wangu na Mungu wenu"*

(**Yohana 20:17**).

Kwa Waebrania:

*"Kwa maana yeye anayetakasa na wale wanaotakaswa wote wanataka chanzo kimoja; ndiyo maana hakuona aibu kuwaita **ndugu**"*

Paulo kwa Wakolosai:

*"Kwa watakatifu na **ndugu waaminifu katika Kristo** walioko Kolosai..."* (**Kol. 1:2**).

## Tofauti Kati ya Wakristo na Wakristadelfia wa Berean

Wanafunzi hawakujiita Wakristo kama tulivyoona. Katika Matendo, Luka anatomia neno tofauti kabisa: Njia.

### **Matendo 9:2**

[2] *Akamwomba barua za kwenda Dameski zilizoandikwa kwa masinagogi, ili akiona watu wa **Njia hii**, wanaume au wanawake, awafunge na kuwapeleka Yerusalemu.*

"**Njia**" hii inarudiwa katika **Matendo 18:25...**

"njia ya Bwana";

**Matendo 19:9...**"waliisema mabaya Njia";

**Matendo 9:23...**"njia ile";


**Matendo 22:4....**"njia hii";

**Matendo 24:14,22** "**Njia**", "**njia ile**".

Neno hili lilitumika na Luka kuelezea wafuasi wa Kristo katika siku za mwanzo. Yesu alisema: "*Mimi ndimi **njia**, na kweli, na uzima...*"

Si jambo zuri sana leo kutambuliwa kama Mkristo. Kile watu wanachokiona kuhusu Wakristo ni picha ya jengo la kanisa lenye msalaba mkubwa juu yake. Mafundisho yao ni ya ajabu. Wanafundisha kwamba Mungu ni Utatu; Mungu Baba, Mungu Mwana na Mungu Roho Mtakatifu. Hawa watatu ni sawa na wamekuwepo tangu milele. Hayalingani na yale Biblia inavyofundisha. Isaya anasema:

*"Kama hawasemi sawasawa na neno hili, ni kwa sababu hakuna nuru ndani yao" (Isaya 8:20).*





Jumuiya ya Wakristo "Christendom" wanaamini:

- Utatu; thawabu mbinguni;
- adhabu katika moto wa jehanamu;
- Mwanadamu ni nafsi, roho na mwili;
- Mwanadamu ana nafsi isiyoweza kufa;
- Nafsi zinaenda mbinguni baada ya kufa;
- Ubatizo ni kuingia kanisani;
- Wafu huenda kupata thawabu zao mara moja;
- Kuenda mbinguni ikiwa rekodi ni njema, jehanamu ya moto ikiwa ni mbaya;
- Uzima wa milele angani;
- Biblia si ya lazima kwa mwongozo;
- Soma Biblia mara chache sana ikiwa watalazimika...

**Ndugu wanaamini:**

- Mungu mmoja;
- Thawabu Duniani;
- Adhabu ni kifo, kurudi mavumbini;
- Nafsi ni mtu na hufa;
- ubatizo ni kuzamishwa majini na ni muhimu kwa wokovu;
- ufufuo ni lazima kwa wafu;
- kisha hukumu;
- utawala wa Kristo wa miaka 1,000;
- Biblia ni muhimu kwa wokovu;
- huchunguza maandiko kila siku...

Petro hakushauri kwamba waumini wajiite Wakristo katika **1 Pet. 4:16**

*"Lakini kama mtu anaonewa na kuteseka kama Mkristo (ambalo anaitwa kwa dharau) asione aibu..."*

Haupaswi kuwa na wasiwasi. Wewe sio wale. Wewe ni rafiki na ndugu wa Kristo ikiwa utashika mapenzi ya Mungu.

# Kutuhusu Sisi

# THE BEREAN

## Christadelphian



### Masomo ya Mwezi wa Juni

- Yoshua,
- Waamuzi,
- 1 Samweli,
- Isaya,
- Waebrania,
- Yakobo,
- 1, 2 Petro
- 1, 2, 3 Yohana,
- Yuda,
- Ufunuo



### Vikundi vya Kusoma Biblia

Hebu tusome Biblia pamoja mtandaoni. Tuna vikundi mbalimbali vya kusoma Biblia, vinavyofaa kila mmoja wetu. Tukisoma Biblia pamoja kwenye WhatsApp, Zoom na katika makusanyiko yetu, tunajifunza kutoka kwa kila mmoja wetu.



### Ushirika

Ni nini ambacho Wakristadelfia hawawezi kukifanya?



### Eklezia Zetu Duniani

Ahsante kwa Kazi kwa Eklezia zilizopo Kenya, Malawi, Zambia, Uganda, Tanzania, Marekani, Kanada, Msumbiji, Australia na Papua New Guinea.

Matendo 17:10

Waberoya walikuwa waungwana zaidi kuliko watu wa Thesalonike, kwa maana walilisikiliza neno la Mungu kwa hamu wakachambua maandiko kila siku ili waone kama waliyokuwa wakiambiwa na Paulo ni kweli---

# Yakobo 5

Ndugu Bob Bent

Texas, USA Ecclesia

## Yakobo 5

Katika sura ya mwisho ya barua ya Yakobo kwa Eklezia za Yerusalemu tunapewa onyo kali na maonyo kuhusu nyakati zinazokuja. Ijapokuwa barua hii iliandikwa kwa kanisa katika karne ya kwanza, tunaweza kuona jinsi inavyohusiana nawe na mimi katika karne hii ya 21 tunaposubiri kurudi kwa Bwana wetu Duniani. Wengi wanaweza kufikiria kwamba maneno haya hayatumiki kila wakati katika maisha na ustawi wetu kwa sababu tuko katika wakati tofauti. Tusijihadae wala kuwa wazembe kuhusu kinachoendelea pembezoni mwetu.

(Yak. 5:1) Njoni sasa, enyi matajiri, lieni na kuomboleza kwa ajili ya taabu zinazokuja juu yenu.

(Yak. 5:2) Utajiri wenu umeoza, na mavazi yenu yameliwa na nondo.

(Yak. 5:3) Dhahabu yenu na fedha zenu zimeota kutu, na kutu yake itakuwa ushahidi dhidi yenu, nayo itakula miili yenu kama moto. Mmejikeka hazina katika siku za mwisho.

(Yak. 5:4) Angalieni, ujira wa wakulima waliokata mashamba yenu, mlioushika kwa ulaghai, unakulilia; na vilio vya wavunaji vimefika masikio ya Bwana wa majeshi.

(Yak. 5:5) Mmefanya anasa katika dunia, na kujifurahisha kwa tamaa; mmejilisha mioyo yenu kama siku ya machinjo.

(Yak. 5:6) Mmehukumu mwenye haki mkamwua; wala hashindani nanyi.

Hapa ndugu yetu anatutia moyo tusiweke imani yetu katika utajiri tulio nao. Neno hilo "lieni" linatoka katika neno la Kigiriki, Khelio lenye maana ya kulia au kuomboleza. Wazo kwamba utajiri unafanya mtu awe na furaha ni upotofu mkubwa. Hii ndio sababu hatupaswi kuweka kipaumbele katika kupata utajiri. Hii haimaanishi kwamba hatupaswi kufanya kazi kupata mkate wetu wa kila siku. Ilikuwa amri iliyotolewa kwa mwanadamu wa kwanza, Adamu. Kwa hivyo kwa njia hii sisi sote tunapaswa kupata mkate wetu wa kila siku. Wengine watabarikiwa katika maisha haya na utajiri, bila shaka, lakini inakuwa baraka inapowekwa mahali pake panapofaa na inatumiwa kwa utukufu wa Yehova na kusaidia wale wasiojiweza. Katika sehemu hii ya **Yakobo 5** tunaona somo la baraka za muda.

Mavazi yaliyoliwa na nondo, madini ya thamani zilizo na kutu zinatuaambia kuhusu muda wao mfupi pamoja nasi. Lakini injili na wokovu ni wa kudumu milele! Mara nyingi utajiri huja na hali ya kujiona bora, hali ya kujisikia mkubwa kuliko wengine, na hii haipaswi kuwa hivyo, hasa kwa wale waliojua mambo ya roho. Mstari wa 4 unatuambia kuhusu nia ya wale wanaotamani utajiri, ninabainisha kwa kutumia neno kutamani. Hii ni onyo kali dhidi ya kuwadhulumu wale walio katika hali ngumu zaidi.

(Kumb. 15:9) Jitunze, msiwe na neno lisilofaa moyoni mwako, kusema, Umekaribia mwaka wa saba, mwaka wa maachilio; jicho lako likawa ovu juu ya nduguyo usimpe kitu; naye akamlilia Bwana juu yako, ikawa ni dhambi kwako.

Tunaendelea na masomo mengine ya Yakobo 5.

(Yak. 5:7) Kwa hiyo ndugu, vumilieni, hata kuja kwake Bwana. Tazama, mkulima hungoja mazao ya nchi yaliyo ya thamani, huvumilia kwa ajili yake hata yatakapopata mvua ya kwanza na ya mwisho.

01

(Yak. 5:8) *Nanyi vumilieni, mthibitishe mioyo yenu, kwa maana kuja kwake Bwana kunakaribia.*

02

(Yak. 5:9) *Ndugu, msinung'unikiane, msije mkahukumiwa. Angalieni, mwamuzi amesimama mbele ya milango.*

03

(Yak. 5:10) *Ndugu zangu, chukueni mfano wa manabii, waliozungunza kwa jina la Bwana, katika kuteseka na kuvumilia.*

04

(Yak. 5:11) *Angalieni, twawaita heri wao waliosubiri. Mmesikia habari ya subira yake Ayubu, mmeuona mwisho wa Bwana ya kwamba Bwana ni mwingi wa rehema, mwenye huruma.*

05

(Yak. 5:12) *Lakini zaidi ya yote, ndugu zangu, msiape, wala kwa mbingu wala kwa nchi; wala kwa kiapo kinginecho chote; bali ndiyo yenu na iwe ndiyo, na siyo yenu iwe siyo, msije mkaangukia hukumu.*

Uvumilivu unapaswa kutumiwa na wale walioitwa kwa injili. Hatuwezi kuharakisha kwa sababu hatuko kwa wakati wetu bali kwenye wakati wa Mungu. Katika kilimo kama wengi wenu mnavyojua, uvumilivu ni muhimu wakati wa kukuza mazao au kufuga wanyama. Hakuna kinachokuliwa kabla ya mavuno au kukomaa, hii yote ni kutufundisha kuwa na subira. Ninakumbuka moja ya vyakula vyangu nivipendavyo, Ackee. Tunda hili halipaswi kuliwa mpaka likomae. Ni sumu katika hatua zake za kukua, hii inaonyeshwa kwa kufungwa kwa ganda. Ganda likifunguka kwa kawaida, hiyo ni ishara kwamba liko tayari, subira. Wakati huo itakuwa chakula kitamu, lakini ukililazimisha au kulifungua kwa nguvu, unakula sumu au tunda la kudhuru. Hivi ndivyo Mungu anavyotuambia tuwe na subira/uvumilivu.

**(Yak. 5:13)** *Mtu wa kweni amepatikana na mabaya? Na aombe. Ana moyo wa kuchangamka? Na aimbe zaburi.*

**(Yak. 5:14)** *Mtu wa kweni amekuwa hawezi? Na awaite wazee wa kanisa; nao wamwombee, na kumpaka mafuta kwa jina la Bwana.*

**(Yak. 5:15)** *Na kule kuomba kwa imani kutamwoko mgonjwa yule, na Bwana atamwinua; hata ikiwa amefanya dhambi, atasamehewa.*

**(Yak. 5:16)** *Ungameni dhambi zenu ninyi kwa ninyi, na kuombeana, mpate kuponywa. Kuomba kwake mwenye haki kwafaa sana, akiomba kwa bidii.*

Katika mateso yetu tunapaswa kumtafuta Mungu na tunapokuwa na furaha, tuimbe zaburi za sifa kwa Mungu wetu. Daudi ametupa orodha nzuri ya nyimbo za kuchagua. Sura 150 tayari kwa ajili ya kujifunza na kuimba. Zitumieni, Ndugu na Dada! Tunaagizwa kuwaombea wale wanaougua, iwe kwa mwili au kwa akili na tufanye hivyo mara kwa mara. Katika mstari wa 14 inazungumza kuhusu kupaka mafuta. Tusichanganye hili na mafuta ya upako kama makanisa yanavyotuzunguka yanavyopenda kufikiria inamaanisha. Kupaka KWA mafuta ni tofauti na mafuta ya upako. Katika Mashariki mwa Kati na sehemu za Bahari ya Mediterania, mafuta ya zeituni, kwa sababu ya wingi wake, yalitumika sana kwa kupikia na kwa dawa. Lilikuwa tunda kuu, kama vile matunda ya mawese(mitende) Afrika Magharibi yanavyofahamika na mafuta yake hutumika kwa mambo mengi. Tunamwomba Mungu kwa imani bila kutetereka, tukijua kwamba mambo yote yanafanywa kwa mapenzi ya Mungu wala si yetu wenyewe. Kukiri makosa yetu wenyewe kwa wenyewe si rahisi kama inavyosikika, lakini hata hivyo yapaswa kufanywa. Lakini tujue kwamba kukiri hakutupi ruhusa ya kusengenyana wenyewe kwa wenyewe. Hii ni dhambi machoni pa Mungu. Hii ndiyo maana anatumiza kupitia kwa Mtume Paulo kwamba wajane wadogo waolewe na wazae watoto, wawe watunzaji wa nyumba na kutojihusisha na mambo yasiyofaa. Hili linatumika kwa viungo VYOTE vya mwili. Usengenyaji sio tabia ya ndugu au dada wa Kristo. Tunaombea uponyaji na tunaomba kwa imani. Na tukumbuke mambo haya. Eliya anatolewa kama mfano mkuu wa ufanisi wa sala. Ina nguvu! **(Yak. 5:17)** Eliya alikuwa mtu mwenye tamaa kama yetu, naye aliomba kwa bidii kwamba mvua isinyeshe; na haikunyesha duniani kwa muda wa miaka mitatu na miezi sita.


Mistari miwili ya mwisho inatupa faraja kwa kujua kwamba tunapaswa kuwasaidia ndugu na dada zetu kurudi kwenye kundi. Nguvu ambayo lazima tushirikishane haitafaidisha tu ndugu yetu aliyekosea bali pia itafunika wingi wa dhambi. Kivipi? Tunajua kwamba dhambi nyingi husababishwa na ubinafsi na tamaa na kujaribu kupendeza nafsi zetu zaidi ya kumridhisha Mungu, kwa hivyo tukitazama nje ya nafsi zetu wenyewe, hatushikwi kwa urahisi na mahitaji na tamaa za kimwili. Tunaangalia majaribu ya Hawa bustanini, yote aliyoambiwa na nyoka yalikuwa ya kumnufaisha YEYE akipokea tunda lile lililokatanzwa. Kwa hivyo akili zetu zikielekea kusaaidia na kuombea ndugu na dada zetu, tunaielekeza upya akili zetu kutoka kwa tamaa zetu za kimwili na kuzielekeza kwa ndugu na dada zetu, kama vile Kristo alivyofanya alipotembea duniani.

**Na tuwe waigaji wa Kristo kila siku!**





**JUN**  
**2025**





# Tuna pande mbili za sarafu

-tuna vichwa, na tuna mikia.

Unapotupa sarafu, uwezekano ni kwamba itaanguka kichwa juu au mikia juu. Wanahisabati wanauliza: je, uwezekano ni nusu au moja katika zoezi hili?

Kivyovyote itakavyokuwa, uwezekano na takwimu ni matawi ya Hisabati yanayohusiana yanayoshughulikia kutokuwa na uhakika na uchambuzi wa data.

Uwezekano unazingatia udhahiri wa matukio kutokea, wakati takwimu zinahusisha kukusanya, kuchambua, kutafsiri na kuwasilisha data. Kwa muhtasari, uwezekano unatabiri siku zijazo wakati takwimu zinatusaidia kuelewa wakati uliopita.

Ninaangalia **Kumbukumbu la Torati sura ya 28** kama sarafu kwani ina pande mbili:

mstari 1-13 unazungumza kwa kina kuhusu **baraka za utii**;

mstari 14 unatutia moyo kutokupotoka kutoka katika amri yoyote wala kuabudu miungu mingine.

Mstari 15 unaonya:

*"kama hutasikia sauti ya Yahweh Mungu wako" ...ndipo upande mwingine wa sarafu unaingia katika mchezo kutoka mstari 16-45 (na zaidi): **laana za uasi** kwa undani zaidi.*

Laana zinaonekana kuzidi baraka, kwa nini usichague utii na ubarikiwe (kubeba mzigo mwepesi)!

Takwimu zitatusaidia kuelewa wakati uliopita na hakika tunasoma kuhusu matokeo ya wale walioasi au waliotii sauti ya Yahweh; uwezekano unatusaidia kutabiri siku zijazo ingawa ni wazi kabisa kwamba siku zijazo ni nzuri zaidi unapofanya (wewe na mimi) uamuzi sahihi — utii.

Ndugu na dada, na tufanye uamuzi sahihi kwa kufuata amri Zake na kupokea ahadi zilizotolewa (zamani) kwa ajili ya siku zijazo nzuri.

**Kumbukumbu la Torati Sura ya 28.**

# African Berean Ecclesia

Habari na Matukio


The Berean Christadelphian  
Mkutano wa mwezi Desemba  
utafanyika huko Kamukuywa,  
Bungoma, Kenya  
Tarehe ni **Desemba 11-14, 2025.**

**Mada: Kitabu cha Danieli**

**Tafadhali tuma mawasiliano ya makanisa ya Afrika kwa:**

Ndugu Arthur Wekati,  
aw@bereanchristadelphian.africa  
SLP 552 Bungoma 50200

Akisaidiwa na  
Bro Bob Bent;  
bob@bereanchristadelphian.africa



**Itaendelea mwezi ujao iwapo Bwana atapenda.**

---